



Sermon
Kxf. Dr. Numlaajtsheb Yaaj

“Step Up – Khaiv Kuv Moog”

LCMS Hmong Ministry Conference
Trinity Lutheran Church - Oshkosh, WI
8-10-14

Thov txuj koobmoov txujkev hlub hab txujkev humxeeb pub rua mej suavdlawg lug ntawm Vaajtswv kws yog peb Leejtxiv kws yog peb tug Cawmseej Tswv Yexus Khetos. Asmees.

Isaiah 6:8 Then I heard the voice of the Lord saying, “Whom shall I send? And who will go for us?” And I said, “Here am I. Send me!” - *Ces kuv nov tug Tswv nug hastas, "Kuv yuav khaiv leejtwg moog? Leejtwg yuav ua tug sawv cev ntawm peb moog?" Ces kuv teb hastas, "Kuv nyob ntawm nuav! Khaiv kuv moog!"* Nuav yog Vaajtswv Txujlug. (Cross reference – Tegnium 9:4; 26:19, 1 Xamuyeeg 3:4, Exekees 9:1; 10:1)

Illustration “How old” (Show picture bus driver and question 1)



You are driving a bus. You go east 12 miles, and turn south and go 2 miles and take on 9 passengers, and then you turn west and go 3 miles and let off 4 passengers. How old is the bus driver? – *Koj tsaav ib lub npav. Koj moog rua saab nubtuaj le 12 miles kev, hab tig moog rua saab qaabteb hab tsaav moog li 2 miles kev ces koj tog 9 tug tuabneeg lug rua huv lub npav ces koj moog rua sab nubpoob hab moog le 3 mile kev ces tso 4 tug tuabneeg nqeg npav Lawm. Tug tsaav lub npav ntawd muaj pestsawg xyoo? Mej leejtwg teb tau hastas tug tsaav lub*

npav ntawd muaj pestsawg xyoo? (Let them answer – ca puab teb) (Show pointing finger)



Txawm hastas koj yuav muab cov leb lug sau uake npaum le caag los koj yuav teb tsi yog vim lub ntsab lug sau hastas, **You** are driving a bus. **You** go east 12 miles, and turn south and go 2 miles and take on 9 passengers, and then **you** turn west and go 3 miles and let off 4 passengers. How old is the bus driver? The word **“YOU – KOJ”** sau peb zag. Nuav yog has txug **koj** saib **koj** muaj pestsawg xyoo tsi yog has txug tug tsaav lub npav. Thaum Vaajtswv has koj losyog muab lug rua koj kuas koj ua lawv le Vaajtswv has, koj puas yuav paub teb?

- I. Cov kwvtij hlub hab movtshua, nub nuav peb tuaj koom uake rua lub rooj txhawb sab nuav hab tuaj kawm Vaajtswv Txujlug txug **“Step Up – Rhuv Kaujruam losyog sawv tseeg moog”**. *Khaiv kuv moog!* (Show the Prophet Isaiah)



Uantej peb yuav saib Vaajtswv txujlug qha le caag ca kuv has mivntsiv txug tug xwbfwb Yaxasyas saib yog vim le caag Yaxayas txhaj le leeg ua Vaajtswv teg dlejnum hab zoo sab

hlo ca Vaajtswv khaiV Yaxayas moog ua Vaajtswv teg dlejnum rua Vaajtswv haiv tuabneeg. Lub sijhawm nuav yog nyob rua thaum tug Vaajntxwv hu ua Uxiyas. Thaus Uxiyas pib ua Vaajntxwv nwg kuj yog ibtug vaajntxwv zoo tabsis thaus nwg lub neej yuav xaus nwg pib khaavtheeb hab ca lub tebchaws tej tuabneeg moog hawm tej mlom, ua kev phem kev qas hab hawm tej vaajtswv kws tsi yog tug tseem Vaajtswv. Vim muaj le nuav Vaajtswv haiv tuabneeg txhaj le moog hawm tej mlom hab ua kev txhum ntau yaam rua Vaajtswv puab txhaj le ua lub neej nyob tsaun ntuj nti. Vaajtswv txhaj le tso “leprosy – mobruas” lug rua Uxiyas hab nwg txhaj le tuag. Vim Vaajtswv haiv tuabneeg poob moog rua txujkev pehawm tej mlom hab tsi mob sab ntseeg Vaajtswv lawm, Vaajtswv txhaj le has rua Yaxayas saib leejtwg yuav moog qha Vaajtswv Txujmoozoo kuas nwg haiv tuabneeg tig rov lug ntseeg tug Vaajtswv tseem. (Show God Calling)



Naj nub nuav peb nyob nrug rua txujkev txhum kws tuabneeg tseem pe dlaab pe mlom hab tsi ntseeg Vaajtswv. Vim lub nplajteb tseem tshuav tuabneeg coob heev le kws tsi tau ntseeg Vaajtswv, peb yuav ua le caag tuabneeg nplajteb txhaj le paub txujkev cawmdlim hab lug ntseeg Vaajtswv? Vaajtswv hu koj lug ntseeg nwg hab lug ua nwg ibtug tubkhaiv hab khaiV kuas koj moog ua Vaajtswv teg dlejnum. Koj puas yuav teb Vaajtswv thaus Vaajtswv hu koj? Thaus

Vaajtswv hu koj lawm – God is calling you, koj yuav teb le caag? Koj puas yuav “answer or decline – *teb losyog tsi teb?*”

II. Peb pum ntawm Vaajlukub Qub nub nuav thaus Vaajtswv hu Yaxayas, Vaajtswv hu hastas, (Show whom Shall I Send)



“Whom shall I send? And who will go for us - *“Kuv yuav khaiV leejtwg moog? Leejtwg yuav ua tug sawv cev ntawm peb moog?”* Yaxayas teb le caag? Yaxayas teb hastas, “Here am I. Send me! – *Kuv nyob ntawm nuav, khaiV kuv moog.*” Yog peb ua tuabzoo saib, peb yuav pum hastas, Vaajtswv muaj ob yaam thaus Nwg hu Yaxayas. **Lulug Ib:** “Whom shall I send – *Kuv yuav khaiV leejtwg moog?* Vaajtswv yuav khaiV

tuabneeg moog qha txujkev cawmdlim rua lwmtug. Yog tsi koj moog los Vaajtswv yuav tsi tog koj vim Nwg yuav khaiV lwmtug moog ua Vaajtswv teg dlejnum. **Lulug thib Ob:** “And who will go for us - *Leejtwg yuav ua tug sawv cev ntawm peb moog?*” (Show Volunteers)



Nuav yog Vaajtswv lub homphaj kws khaiV tuabneeg moog qha nwg Txujmoozoo kuas tuabneeg lug tau Nwg txujkev cawmdlim. Lulug thib ob yog Nwg khaiV saib puas muaj leejtwg “volunteers – paab dlawb”. Yaxayas teb hastas, “Here am I. Send me! – *Kuv nyob ntawm nuav, khaiV kuv moog.*” Vaajtswv tsi yog yuam Yaxayas kuas nwg yuavtsum moog

tabsis nwg has saib Yaxayas puas kheev moog. Yaxayas moog ua Vaajtswv teg dejnum vim nwg pum Vaajtswv Txujkev hlub, Vaajtswv tej koobmoov ces nwg zoo sab hlo ua lawv le Vaajtswv has. Ntau zag peb cov ntseeg Vaajtswv tam taamsimnuav peb tsi noog Vaajtswv tej lug khaiv peb moog ua Nwg teg dlejnum. Peb xum nrhav kev tsiv tawm ntawm Vaajtswv hab tsi kheev “Step Up – *Rhuv Kaujruam* – *sawv tseeg moog lug.*” lug moog hastas, “Send me – Khaiv Kuv moog.”

(Show Stop making excuses)

Peb yuav tib kuas lwmtug moog hab nrhav kev hastas:

- Vaajtswv, Kuv laug heev lawm, kuv yuav ua tsi tau dlaabtsi rua koj lawm?
- Vaajtswv, kuv tsi muaj lub tswvyim hab kev txawj tsi ntse le lwmtug?
- Vaajtswv, Kuv nyuam qhuav lug ntseeg tshab kuv tsi paub qha Koj txujmoozoo?
- Vaajtswv, Kuv tsi txawj hu nkauj, kuv tsi txawj cob qha?
- Vaajtswv, Kuv tsis muaj sijhawm, khaiv lwmtug moog!

q



Cov kwvtij hlub hab movtshua. Please stop making excuse! Vim koj yog tug ntseeg, koj yuavtsum ca Vaajtswv tswj koj lub neej vim koj yuav ua tau txhuayaam rua qhov Vaajtswv tub tuaj koj tog lawm leejtwg yuav tawmtsaa tau koj rua ntawm Vaajtswv Txujmoozoo. Paulus txhaj le sau hastas, “If God is for us, who can be against us – *Yog Vaajtswv tuaj peb tog lawm, leejtwg tseem yuav tawmtsaa tau*

peb.” (Loos 8:31) Yog koj muaj Vaajtswv nrug nraim koj lawm, Koj yuav “Step Up – *Rhuv Kaujruam*” tau hab koj yuav moog ua tau Vaajtswv teg dlejnum. Vaajtswv yuav tsi tso koj tseg vim nwg coglug hastas, “... As the Father has sent me, I am sending you – *Leejtxiv khaiv kuv lug le caag, Kuv yuav khaiv mej moog ib yaam le ntawd.*” (Yauhaas 20:21)

- III. Cov kwvtij hlub hab movtshua, koj puas mobsab “**Step Up – *Rhuv Kaujruam* – *sawv tseeg moog*”** lug kawm Vaajtswv txujlug? Koj puas ntseeg Vaajtswv Txujmoozoo kws yog kev cawmdlim ntawm Tswv Yexus Khetos? Losyog koj tsua laam hastas koj yog tug ntseeg xwb tabsis huv koj lub sab koj yeej tsi txais yuav Vaajtswv txujlug le. (Show prisoner reading Bible)



Muaj ibtug “Prince - tub vaajntxwv” of Granada raug kaw rua Madrid’s vim puab ntshai tsaam nwg yuav lug txeeb ua vaajntxwv. Nwg raug kaw tau 33 xyoo huv lub tsev lojcu. Puab tsua pub tuab phoo ntawv rua nwg nyeem xwb. Phoo ntawv yog phoo Vaajlugkub. Nwg nyeem phoo Vaajlugkub txug tsheej puas zag thaus pib moog txug xaus. Muaj 3,116,480) tug “letter – ntawv” (KJV – answers. yahoo.com) huv phau Vaajlugkub. Nwg puab yuav laug taag Vaajtswv

Txujlug. Tabsis nwg tsis kheev lug ntseeg Vajtswv. Yog vim li caag? Vim nwg tsi tig pobntseg noog saib Vaajtswv Txujlug has le caag txug Vaajtswv txujkev cawmdlim.

(God is talking to you)



Nub nuav Vaajtswv hu txug koj kuas koj ca le moog qha txujkev cawmdlim rua lwmtug hab lug moog ua Vaajtswv teg dlejnum. Nwg hastas, “Who shall I send – *Kuv yuav khiav leejtwg moog*” “How would you Answer – *Koj yuav teb le caag?* Koj puas tig pobntseeg lug noog saib Vaajtswv khiav koj ua dlaabtsi? Koj puas tseem yuav teb hastas, “Kuv tsi khoom, kuv tsi muaj sijhawm, khiav lwmtug, lwmzag kuv


maam le ua” los yog koj yuav teb le Xamuyees thaus Vaajtswv hu nwg. Vaajtswv Txujlug sau hastas, “The LORD came and stood there, calling as at the other times, “Samuel! Samuel!” Then Samuel said, “Speak, for your servant is listening.” – *Tug Tswv lug sawv ntawd, hab rov hu dlua ib yaam le nwg hu taag lug hastas, “Xamuyees! Xamuyees!” Xamuyees teb hastas, “Tug Tswv, koj ca le has, koj tug tubkhaiv taabtom noog.*” (1 Xamuyees 3:10) Thaus koj tig pobntseeg noog Vaajtswv Txujlug lawm koj yuav ua le Yaxayas teb Vaajtswv hastas, “Here am I. Send me! - *”Kuv nyob ntawm nuav! Khiav kuv moog!”* (Show Albert Schweitzer)



Muaj ib mo, muaj ib tug xibfwb qha ntawv taabtom ua nwg cov ntawv yuav coj moog qha nwg cov tub kawm ntawv. Thaus nwg saib nwg tej ntawd yuav taag, nwg pib muab ib cov povtseg rua lub thoob khibnyiab – tabsis nwg pum ib dlaim ntawv kws tub tsi yog sau rua nwg. Thaus nwg muab qheb nyeem cov ntsab lug sau hastas, “The needs of the Congo Mission.” Tug xibfwb qha ntawv nuav pib nyeem ntxiv ua caag cov ntsab lug sau ntxiv hastas: “The need is

great here. We have no one to work the northern province of Gabon in the central Congo. And it is my prayer as I write this article that God will lay His hand on one - one on whom, already, the Master's eyes have been cast - that he or she shall be called to this place to help us.” The professor closed the magazine and wrote in his diary: “My search is over.” Tug xibfwb qha ntawv nuav lub npe hu uas Albert Schweitzer. Dlaim ntawv kws xaa tuaj yog rua lwmtug, tabsis lwmtug muab tso yuamkev rua nwg lub mailbox. Vim lug ntawm txujmoo, nwg tug tus vaajtsev muab tso rua sau nwg lub rooj ua haujlwm. Vim lug ntawm txujmoo, nwg muab coj lug nyeem. Yog le ntawd Dr. Schweitzer txhaj le dlhau lug ua “one of the greatest humanitarian – paab tuabneeg” zoo kawg nkaus nyob rua tam nuav.

Cov kwvtij, Vaajtswv hlub tuabneeg nplajteb kawg nkaus. (Show 1 John 4:9)



Peb yog tuabneeg txhum peb tsi ntxim tau Vaajtswv txujkev hlub le. Tabsis vim Vaajtswv tsi xaav kuas peb ibtug twg poob moog rua ntuj tawg teb Nwg txhaj le khiav Nwg tuableeg Tub lug rua lub nplajteb. Tug kws ntseeg nwg Leejtub nwg yuav tsi ntsib kev pluj kev tuag tabsis tau txujsa moog ibtxhis. (Yauhaas 3:16) Vaajtswv khiav Nwg tuableeg Tub Yexus Khetos lug cawm koj, kuv, hab lub nplajteb. Yauhaas

sau hastas, “This is how God showed his love among us: He sent his one and only Son into the world that we might live through him – *Nuav yog Vaajtswv qha Nwg txujkev hlub rua peb: Nwg khaiiv nwg tuableeg Tub lug rua lub nplajteb kuas peb tau lub neej lub ntawm nwg.*” (1 Yauhas 4:9) Yexus tsi taag yuav lug rua lub nplajeb nuav tabsis nwg tsi xum ua lawv le Nwg lub sab nyam tabsis Nwg ua lawv le Vaajleejtxiv lub sab nyam. Txawm Yexus yuav moog raug txujkev tsimtxom hab tuag los Yexus hastas, “...May your will be done – ...*Ua lawv le koj lub sab nyam.*” (Mathais 26:42) “Jesus was send to redeem the world – *Yexus raug khaiiv lug cawm lub nplajteb.*” Jesus step up to save you, me and the world. (Show Mark 16:15)



Yexus khaiiv kuas koj moog qha Nwg Txujmoozoo kuas lub nplajteb nuav tau kev cawm lug ntawm Nwg lub npe. Yexus hastas, “He said to them, “Go into all the world and preach the good news to all creation – *Nwg has rua puab hastas,*” *Ca le moog thooob plawg lub nplajteb hab qha Txujmoozoo rua txhua tug.*” (Malakaus 16:15) Koj puas yuav moog? An ordinary man walks his ordinary neighborhood, but something epic is happening in his heart... a willingness to lovingly evangelize. (Show video clip - Evangelism Here I Am Lord, Send Me - Today's Christian Videos 1.53 Min)



Evangelism Here I Am Lord, Send Me - Today's Christian Videos 1.53 Min.wmv

(Show picture of Rev. Dr. Yang – Send Me)



Huv kuv lub neej kuv muaj ntau yaam kws kuv tau ua lug hab tseem yuav muaj moog rua yaav tomntej. Tabsis thaus Vaajtswv hu kuv lug ua nwg tug tub khaiiv kuv “refuse – tsi kheev – step up” moog ua nwg teg dlejnum. Zag (1st - 18 yrs. right after high school. 2nd – After Police Academy. 3rd – successful business and law degree – But I did not choose the world and I said to the Lord “Here am I. Send Me.” (Show Here Am I. Send Me)



Cov kwvtij hlub hab movtshua, mej ib txha tub ntseeg Vaajtswv tau 20-30 xyoo lawm. Koj puas paub hastas Vaajtswv kuas koj ua dlaabtsi huv koj lub neej? Vaajtswv tub npaaj teg dlejnum rua koj lawm, ca le sawv tseeg moog ua nwg teg dlejnum. Vim cov qoobloo ntau heev tsi muaj leejtwg moog hlai lug ca lub txhaab. Ca le thov tug tswv kuas nwg khaiiv koj moog. Thaus

Vaajtswv hastas, “Whom shall I send? And who will go for us - *“Kuv yuav khaiiv leejtwg moog? Leejtwg yuav ua tug sawv cev ntawm peb moog?”* Leejtwg yuav ua tug thawj tsaavxwm huv pawgntseeg? Leejtwg yuav ua tug thawj txivtsev, thawj namtsev, tug coj nkauj, tug saib kev suab nkauj, tug tshaajmoozoo, tug youth president, tug qha Sunday school. Leejtwg yuav yog tug kws rhu nyaj thaus muaj dlejnum kws nyaj txag tsi txaus. Yog koj totaub txug Vaajtswv txujkev hlub, koj yuav “**Step Up – Rhuv Kaujruam**” hab teb kag hastas, “Here am I. Send me! – *Kuv nyob ntawm nuav, khaiiv kuv moog.*” Asmees. Thov kuas Vaajtswv Txujlug pub rua peb suavdlawg totaub hab tau nyob kaajsab lug rua ntawm Tswv Yexus Khetos lub npe. Asmees. Kuv muaj zaaj nkauj kws caw coob leej ntau tug lug nrug hu. (Hu zaaj nkauj “*Step Up - Khaiiv Kuv Moog*”)

Step Up - Khaiv Kuv Moog

By: Kxf. Dr. Numlaajtsheb Yaaj

Isaiah 6:8 Then I heard the voice of the Lord saying, “Whom shall I send? And who will go for us?” And I said, “Here am I. Send me!” - *Ces kuv nov tug Tswv nug hastas, "Kuv yuav khaiv leejtwg moog? Leejtwg yuav ua tug sawv cev ntawm peb moog? " Ces kuv teb hastas, "Kuv nyob ntawm nuav! Thov khaiv kuv moog! "*

1. Ua lub neej Koj puas paub tas yuav ua dlaabtsi
Vaajtswv tsim Koj lug ua nwg teg dlejnum
Thaus Nwg has Kuv yuav khaiv leejtwg moog
Koj yuav teb Le caag rua tug Tswv

2. Ua lub neej Koj puas yog tug ntseeg Vaajtswv
Koj puas nov Vaajtswv hu txug koj lawm
Nwg lub suab Hu koj lug ua dlejnum
Tig pob ntseg Ca le noog Vaajtswv hu koj

- Step up! Step up! Step up! Step up!
Step up! Step up! Step up! Step up!
“Here am I. Send me!” “Here am I. Send me!” “Send me!” “Send me!”

3. Vaajtswv has Kuv dlaim teb tseem tshuav ntau heev
Tsi muaj leejtwg Moog hlais lug ca lub txhaab
Ca le thov Tug Tswv kuas khaiv koj moog
Sawv tseeg moog Moog ua Vaajtswv teg dlejnum

Music

Repeat *, 3

Sawv tseeg moog Moog ua Vaajtswv teg dlejnum
“Here am I. Send me!” “Here am I. Send me!” “Send me!” “Send me!”
Sawv tseeg moog Moog ua Vaajtswv teg dlejnum
Sawv tseeg moog Moog ua Vaajtswv teg dlejnum